



**2º INTERVENSAUN DISTINTU DEPUTADO, Sr. NATALINO
DOS SANTOS NASCIMENTO, XEFI BANKADA CNRT
PARLAMENTU NACIONAL IHA SEKSAUN FINAL DO
GENERALIDADE HUSI DEBATE ORSAMENTU JERAL DO
ESTADO (OJE) TINAN 2013**

Excelentíssimo Prezidente Parlamentu Nasional, *Sr. Vicente Guterres*;
Excelentíssimo Primeiru Ministru, *Sr. Kay Rala Xanana Gusmão*;
Excelentíssimo Distintus Deputadu sira hotu;
Excelentíssimo Membru Governu sira hotu;
Karissimus Konvidados no Povu Doben Timor-Leste tomak mak hau
hadomi.

Ba dala uluk, hau hakarak expressa hau nia sentimento pessoal no
institusional, hodi naran Bankada CNRT nian, apresia no elojia teb-
tebés kontribuisaun bo'ot nebé atribui husi Bankada Opozisaun Fretilin
ba ambiente Debate Orsamento Geral do Estado (OGE) ba tinan 2013
ida ne'e nian.

Liu husi biban ida ne'e, dala ida tan hau, ho naran Bankada CNRT,
depois de rona intervensoens, apresiasoens no rekomendasoens husi
bankadas parlamentár sira hotu, ohin – dala ida tan – Bankada CNRT
hakarak kunklui pensamentu konstrutiva hirak ne'e hotu hanesan;
MATA-DALAN ne'ebé sei orienta ita tomak atu to'o ba metas ka
finalidade ida deit mak: A BEM ESTAR DO POVO TIMOR-LESTE
NIAN.

Excelências,

Intresante tebés, iha seksaun debate OGE tinan ne'e, basá,
karakteristiku no maturidade foun nebe mosu iha UMA FUKUN ne'e,
hamosu ona horizonte nebe foun no nakonu ho prekupasoens no
pensamentu ida nebe atu komplementa ba malu ho akomodativu, hodi

*2º Intervensaun Distintu Deputado, Sr. Natalino dos Santos Nascimento, Xefi Bankada CNRT
Parlamentu Nasional iha Okaziaun Debate Orsamentu Jeral do Estado Tinan 2013*

buka duni solusaun ida nebe konkreta atu bele salvaguarda interesse povu ki'ik no kiak ni-nian nebe kontinua halerek nafatin to'o ohin loron.

Excelências,

Idea sentral nebe mosu husi debate OGE ida ne'e, bele ami kategoriza ba parte rua: nebe ami bolu THEZA versus ANTI-THEZA mak ikus mai ami sei hamosu SÍNTHEZA.

Primeira Parte,

Ami hanaran THEZA katak; Perfil Relatório no Justifikasaun husi Panorama OGE (*Orçamento Geral do Estado*) Tinan 2013 husi V Governu Konstitusional kona-ba; “Desafius no Sucesso” nebe hetan ka atu hetan dadauk ona husi rezultadu investimentu iha Governasaun anterior AMP nia ukun.

Exemplu nebe bele ita foti mak: Mapeamentu kona-ba kondisaun real makro-ekonomia Timor-Leste nian ho nian indikador POSITIVU ho Kresimentu Economia Real to'o 12,5%, Taxa Kresimentu Mediu Atinji ona 11.8%.

*Nunee, Metodologia de Execução ka política de implementasaun husi V Governu Konstitusional mak hanesan formulasaun husi konseitu no karakteristiku ida ne'ebé ami bolu: “**Learning by doing**” ka aprende e a mesmo tempo hala'o dadauk ona.*

Husi Parte Seluk,

Bele ami temi ANTI-THEZA, ida ne'e signifika katak; hanesan avaliasaun no kritiku nebé konstruktivu husi parte opozisaun atu bele hadia no komplementa frakezas ka “*mismanagement*” husi Governasaun anterior AMP nebe kompremete tiha ona.

²⁰ Intervensaun Distintu Deputado, Sr. Natalino dos Santos Nascimento, Xefi Bankada CNRT Parlamentu Nasional iha Okaziaun Debate Orsamentu Jeral do Estado Tinan 2013

Exemplu husi kondisaoens real nebe mosu mak: Investimentu nebe bo'ot iha seitór agrikultura, la implika kontribuisaun nebe signifikante husi seitór não petrolifera ka agrikula. Ida ne'e indika iha persentajem Produutu Interno Bruto ka PIB ho nia rezultadu NEGATIVU ka minus husi (-0,5%). Kondisoens ida mak fo impaktu direita bo'ot ba TAXA INFLASAUN DOMESTIKA NO INATIVIDADE KA DEZEMPREGU nebe ás to'o 58,3% (Ne'e signifika katak: kauze ema 366 mil ho idade 15 ba leten mak inatividade ka la iha servisu).

*Prinsipius no metodologia de execução ka política de implementasaun nebe apresenta husi parte OPOZISAUN mak ho formulasaun, konseitu no karakteristiku ida nebe ami hanaran: “**Learning than doing**” ka aprende lai to'o faze MATURA mak foin hala'o ka ezekuta.*

Nunee; reflesaun husi THEZA no'o ANTI-THEZA iha leten, mak tuir mai Bankada CNRT hakarak fo ni-nia SÍNTHEZA, nunee, bele konklui parte hotu nia prekupasoens, lamentasoens no IDEAL hodi ita tomak iha kbi'it atu bele utrapassa FAZE TRANZISAUN krize ekonomika ida ne'e, ba FAZE TRANSFORMASAUN EKONOMIKA nebe mak sei orienta ita hotu ba METAS PRINSIPAIS husi tinan 2012 to'o 2017, Katak: SIDADAUN HOTU-HOTU IHA OPORTUNIDADE HANESAN NO IHA KRESIMENTU EKONOMIKU NE'EBÉ DINAMIKU NO INOVATIVU”.

Excelências,

SÍNTHEZA nebe mak ami konsege hasai hodi rekomenda ba Plenariu Magna Casa ida ne'e mak:

PRIMEIRU, Reformula fila fali Konseitus, Planu no Asaun husi Política Macroeconômica V Governu Konstitusional nian nebe atu tama ona ba faze ezekusaun. Ida ne'e implika katak; qualquer política econômica nebe ita uza tenki aborda ka solusiona duni problemas

²⁰ Intervensaun Distintu Deputado, Sr. Natalino dos Santos Nascimento, Xefi Bankada CNRT Parlamentu Nasional iha Okaziaun Debate Orsamentu Jeral do Estado Tinan 2013

ekonômikus nasional nebe nasaun ne'e enfrenta iha periodu badak nia laran;

Ho nune deit mak ita bele normaliza merkadu nasional hodi:

- Estabiliza atividade ekonômika nasional ka estabilidade nível de preços.
- Bele atingi nível emprego nebe adekua. Buat balun mak precisam atu fo atensaun máximu mak, papel governo nian atu hala'o:
 - a. *Expansão das oportunidades de emprego,*
 - b. *Abordagens ba Capacitação das comunidades rurais de esforços para expandir as oportunidades de emprego,*
 - c. *Capital humano como uma extensão eficaz Políticas de Emprego, Sindicatos, Relações Industriais e Sistemas de Emprego.*

SEGUNDU, Política ba kriaun krescimento ekonômiku nebe sustentável ka ho orientasaun kresimentu ekonômiku ba longo prazo nian. Nune kriaun kresimentu ekonômiku ida ne'e tenki:

- a. Iha sustentabilidade ka kontinuasaun;
- b. Acompanhado ho criação de empregos,
- c. Mais elevada ka ás liu husi taxa kresimentu populasaun nian;
- d. Acompanhado husi distribuisaun ida nebe equitativa de renda;
- e. Iha kontribuisaun nebe desigual sectorial ka asimetricu;
- f. La diminui ka fo nafatin prioridade ba seitor agrícola;
- g. Iha aumento no real;
- h. Maior contribuinte ba PIB mak cidadãos nacionais, la'os estrangeiros.

²⁰ Intervensaun Distintu Deputado, Sr. Natalino dos Santos Nascimento, Xefi Bankada CNRT Parlamentu Nasional iha Okaziaun Debate Orsamentu Jeral do Estado Tinan 2013

So ho nune deit mak ita tomak nia ambisaun ba dezentvolvimentu hodi atinji metas prinsipais ba tinan 2017 nian bele alkansa:

Seitór Dezentvolvimentu KAPITAL SOCIAL nebe sei atinji duni:

- 93% Labarik sira iha assesu ona ba kualidade Ensinu Baziku;
- Estabelece ona Posto Saude ba Suco ho populasau 1.500 to'o 2,000;
- Estabelece ona 55,000 uma ba ema kiak.

Seitór Dezentvolvimentu EKONOMIA, ho alvu atu atinji mak:

- Produtividade seitór Agrikultura aumenta signifikante, seitór Turismu buras no ekspande ona, no seitór Privadu involve ona iha industria hotu-hotu, liu-liu empreza ki'ik no médiu.

Seitór Dezentvolvimentu INFRAESTRUTURA ita bele atinji:

- Estrada Rurais tomak rehabilita tiha ona;
- 75% Populasau Rural asesu ona ba Be-Mos;
- Povu tomak hetan ona naroman durante 24 oras no asesu ona ba linha Telekomunikasau;
- Portu no Aeroportu ne'ebé iha, rehabilita ona.

Ikus mai, ami hakarak soe hela liu fuan murak ka desafius ne'e ba ita tomak katak: "UMA META SEM UM PLANO SÓ VAI SER A ESPERANÇA"

Nunee, Sem dúvidas, ami sei depozita ami nian votus de confiansa tomak ba V Governu Konstitusional nebe lidera husi Maun Boot Xanana hodi bele konkretiza iha hotu nia mehi nebe nabilan ba futuru rai doben ida ne'e nian.

Obrigadu-Wain

²⁰ Intervensaun Distintu Deputado, Sr. Natalino dos Santos Nascimento, Xefi Bankada CNRT Parlamentu Nasional iha Okaziaun Debate Orsamentu Jeral do Estado Tinan 2013